

參同經

呂祖全書
卷十八

呂祖全書卷十八

目錄

參同經

下卷讚

開經偈

保劫惟善章第二十二

天人理一章第二十三

持盛在德章第二十四

因緣明驗章第二十五

罪福報應章第二十六

鬼神徵驗章第二十七

法體一如章第二十八

詮釋經義章第二十九

尊信聖教章第三十

瞻禮星斗章第三十一

統明修證章第三十二

讚

一行子斗姥心咒
北斗心咒說

呂祖全書卷十八

義陵無我子劉體恕彙輯

男劉蔭誠清惠

全校

姪劉允誠清虛

沙羨一行子黃誠恕叅訂

叅同經讚偈

下卷讚

法言湛寂鉅典幽深叅調元化運慈心解義指迷津
普濟羣倫合叅達上乘

開經偈

香雲縹渺覆中天。靈鶴翩翩繞法筵。真諦廣宣三十
二佛位。儒教永流傳。

太上勅演救劫消災。賜福解厄。保運證真。叅同妙經
下卷。

保劫惟善章第二十二

爾時天尊宣演三教合一之理。傳昔聖未傳之祕。因罷
法座。同諸仙衆。恭詣彌羅天宮。玉清聖境。奏報既畢。退
居無上宮。怡養神真。同瓊宮仙子。瑤島真卿。講說清淨
修持之功。太乙含元之道。正講論間。忽而歎曰。吾觀下

界生民迷惑者多了悟者少背道者多行道者少談道者多。得道者少無怪水火疫癘大厄洪災不能解免。然欲挽劫運須明至道。欲明至道當先修心。若不以修心之法多方化導。彼諸衆生寧知趨避。吾當不辭煩勞。代天宣化濟度羣迷。於是天尊復駕五色祥雲降神鄂渚。於斯時也。林木初下。金風凜冽。杲日映空。丹霞流景。山嶽靜默。紫氣騰輝。羣仙慶悅。共侍法筵。願聞至要。天尊言曰。吾觀神州之內。禹甸遐邇。種種不正之氣。或旱或澇。或水或火。或蝗或疫。所災之處。人俱不知受報業緣。

反多乖戾以致日復一日不能解釋吾按道書自子至寅爲一小劫十二辰紀共四小劫積諸小劫爲一人劫於是凶荒起焉疫癘生焉刀兵作焉旱澇頻焉災異出焉又或日月失經星辰失度山崩水溢饑饉洊臻種種不祥雖曰氣運實由人事所以古人遇災而懼側身修行上至君王下及兆庶皆不敢忽是以人君修德罔愆則慧星弗現日月當食弗食官吏清潔自持則蝗不入境虎皆渡河反風滅火事載史書極爲顯著昔有一城皆種夙孽數當屠戮經嶽府申奏上帝弗忍因舉龍顏

於雲端觀察。惟見城中黑氣毒雲結聚不散。倏忽之間。祥光一道。白城隅起。直衝帝座。帝曰。善哉。此孝子光也。城既有此。屠可免焉。因命貪狼星君持節往護。遂得一城免於屠戮。事載文帝勸孝錄中。可考而知也。夫一城當屠。刳之最大災之極重者也。乃因一孝子獲釋。可見挽刳在人。不盡關乎氣數。書曰。天作孽。猶可違。自作孽。不可逭。此其驗也。今人於天災流行。不知修省。勉力爲善。妄事邪禱。末矣。更或恣肆奢靡。作爲無益。是爲逆天。子輿氏曰。順天者存。逆天者亡。順者順乎天理。非違道。

以邀福也。又書曰：欽若昊天。欽者敬畏之極。若者信順之篤也。若遇災而能修德行仁，一家善可免一家之災。一方善可解一方之厄。若諸衆生能卽吾言而深味之，精思力行以進乎善，斯上帝可格，災可免，厄可釋。雖積愆宿垢，譬諸雲霧散於烈風，冰霜消於杲日，慎勿惑於妖巫邪覲，妄行非分之禱，不特無益，反滋罪孽。慎爾厥坊，篤爾善行，實消除劫厄之要道也。

天人理一章第二十三

天尊復告大衆曰：天有沴運，可以移之；星有失度，可以

轉之是天道轉移在乎人事。則人之一生或富或貴或
賤或貧或窮或通。或壽或死亦無一定。修德之至則賤
者可貴。貧者可富。歿者可壽。窮者可通。若極惡之人其
獲報反此。故人之得失主之於天。雖人定可以勝天而
天定更可勝人。天人交感其理一也。夫川本流也。防之
可以使止。其流也。暢於形體之通。淵本渟也。決之可以
使行。其渟也。拘於形器之隘。惟人亦然。方其未達。若一
無所能。一無所爲。故行則拂亂。而有空乏饑餓困心衡
慮之苦。及其既達。則有經天緯地之功。驚世駭俗之事。

究之祇一人之身。非能於後而弗能於前。蓋時命阨之也。然富貴貧賤循環無端。青門種瓜人。舊日東陵侯。富貴可常恃乎。居朝叅知政事之人。卽昔日被人譏之。嗑睡漢。貧賤可以欺乎。是以聖人體天之道。執天之行。居富貴而不驕。處貧賤而不憂。樂天知命。心若太虛。真氣貫四時。聰明並日月。其行事與天合德。故其序易也。否泰相循。剝復相乘。蓋天地之氣。剝不終。剝剝極而復。人事亦然。泰不常。泰過則否。太上曰。天之道。其猶張弓乎。高者抑之。下者舉之。有餘者損之。不足者補之。人之

道亦然。福兮禍所倚，禍兮福所伏。孰知其極，其無正耶？
正復爲奇，善復爲妖。故人之一身，與天道相表裏。陰符
經云：天性人也，人心機也。立天之道，以定人也。天人合
發，萬變定基。故凡希聖希仙，先須明此天人合一之旨。
則宇宙在乎手，萬化生乎身。可以彌綸天地之道，輔相
天地之宜，是爲最上一乘之理。然此天人合一之旨，乃
盡性之極功，至命之能事。初學之士，如何能之？亦惟於
自己心性中，時時體認。蓋人一心，本具有天理。人心卽
是天心。天有太極，人心亦有太極。天有中和，人心亦有

中和子思子曰道不遠人人之爲道而遠人不可以爲道蓋人心外無道道外無心凡人修道卽修心也修心卽修道也道有異乎心有異乎人人有此一心卽人人各具一天人人同此一心卽人人同此天同此道也但世人汨於嗜慾自蔽其天自昧其心不能於聲臭俱混中求取帝載之天卽吾心一念未動時直與於穆之天呼吸相通非捨一心之外別有所謂道理合之也若離此心以求合天是卽邪說誣民非正道也昔予曾謂點金一術恐誤五百年後人正爲此心不敢自欺以欺天

故蒙聖師接引。成真卽今之飛鸞。演化亦是運此慈心。代天行道。若是衆生心同予心。天必祐之。予亦鑒之。至道可得矣。

持盛在德音第二十四

羽屬三百六十。鳳爲之長。毛屬三百六十。麟爲之長。倮屬三百六十。人爲之長。宇宙之內。萬有不齊。飛走各殊。靈蠢各異。亦惟各隨所稟。自生自育於天地之間。若欲比而同之。胡可得也。寧惟品物雖天地之大。日月之明。宜其無不覆載。無不照臨。然而天不滿東南。地不滿西。

北朔方極陰之處。日月所不能照。故子思子曰。天地之
大也。人猶有所憾。屈子曰。日安不到。燭龍何照。羲和之
未暘。若華何光。夫以天地之大。日月之明。尙有不足之
處。而况於人乎。昔總真王真人師事麻姑元君。元君告
曰。接待以來。滄海三變。桑田蓬萊。水又淺矣。故光陰瞬
息。隙駒電影。不足爲喻。王質樵柯轉盼。千歲。漁郎浦口。
再返迷津。蓋六合之內。無非幻境。一切有情。悉是幻身。
以幻歷幻。奇異怪變。自古以來。莫可殫述。若究其極。天
地亦屬幻化。終有敗壞。故曰。誠者。物之終始。天地亦一

物也。特天地悠久，人弗及爾。然天地亦無全盛之時。試觀之日月，日中則昃，月盈則虧。盈虧之道，隨時循轉。觀之山川，水滿而溢，土滿而頽。頽溢之理，因物運行。觀之百物，朝菌不知晦朔，蟪蛄不知春秋。靈蠢之性，雖微亦異。孟夏之月，百卉繁殖，草木暢茂，而靡草先死。此可解乎？孟春之月，雷乃發聲，百果草木皆甲折，而桃李爭相敷榮。至薰風一熉，樞火增妍，芙蓉蕖香馥，回視桃李黯然無色。金風一動，白露初凝，黃花晚節，與動幽人。芰荷無香，清池水碧。昔之芙蓉，亦復何在？諦觀四時，寒暑迭運。

榮枯消長莫可紀極。夫物之不齊，物之情也。走者不能強之使飛，蠢者不能必之使靈，其性然也。南華帝君論欲齊之，非謂物之齊也，乃合初終計之，其歸根復命，若齊焉耳。是以至人遠取諸物，近取諸身，知盈虛消長，本屬輪替之道。此豐彼嗇，亦無全盛之理。是以素位而行，不願乎外。如處極盛之時，常凜傾覆之戒，故居上位而不驕，所以長守貴也。處豐阜而不淫，所以長守富也。是以聖人序易於大有之後，繼之以謙。蓋有大而能謙，所以長保其有不特居於全盛之時為然也。昔孔聖嘉衛